


# Alex Capus prelegia a Domat

**(cp) «Ein sensationelles Mädchen war das gewesen.» Uschia cumenza la bell'istorgia d'amur da «Léon und Louise» che superescha tant l'Emprima sco era la Segunda guerra mundiala. Venderdi, ils 4 da november prelegia l'autur or da ses roman als Dis da litteratura a Domat.** Cun levezza, in pau melanconia ed ironia raquinta l'autur svizzer Alex Capus co ch'ils dus giuvenils Léon e Louise sa scuntran per l'emprima giada il 1918 sin lur velos entamez ils champs solitaris da la costa franzosa da l'Atlantic. Suenter in'emprima fin d'emna cuminaivla al mar vegnan ils dus inamurads en in bombardament. La schuldata tudestga attaga per in'ultima giada Paris. Omadus survivan, sa perdan però da vista. Or da vista, dals eglis, ma betg or dal cor.

Diesch onns pli tard datti puspè in schlop. Els sa scuntran per la segunda giada, questa giada en la metropola Paris nua che Léon viva ensemen cun sia dunna Yvonne e lur emprim uffant. Louise lavura tar la Banque de France. I resta però tar in unic rendez-vous.

«Hör zu, Léon, in einer Stunde sind wir wieder in Paris. Du musst mir etwas versprechen.» «Was denn?» «Ich will nicht, dass du mir auflauerst.» «Was?» [...] «Spiel nicht den Deppen, das steht dir nicht. Ich will nicht, dass du vor der Banque de France herumlümmelst, um mich zu sehen. Du hungerst nicht auf der Rue Rivoli und nicht auf der Place de la



Frontispizi dal cudesch.

MAD

Victoire herum. Du hetzt mir keinen Polizeihund auf die Fersen, du wirst mir nicht zufällig auf dem Gemüsemarkt über den Weg laufen, während ich ein Pfund Kartoffeln kaufe, und du sitzt nicht zufällig im Kino, wenn ich ins Kino gehe. Das wirst du niemals tun, versprichst du mir das?» «Es gibt Zufälle», sagte Léon.

Durant ils proxims indesch onns, otg

mais, ventgatrais dis, quattordesch uras e deschdotg minutas n'audan els nagut pli in da l'auter, ma la vita va tuttina vivanant.

Alex Capus descriva cun blera finezza e raffinezza betg mo las persunas, mabain era l'ambient e la situaziun istorica da ses roman. El descriva la vita quotidiana da ses protagonist sco um giuven, suenter era sco spus, lura sco bab da famiglia. Il roman è in omagi a las pitschnas chaussas da la vita, al mintgadi, a la toleranza, a la pazienza envers la vita ed in laud a la sa-bientscha da la vita. In bel roman che tschiffa, che fa surrir e ponderar.

L'autur Alex Capus è naschi en Normandia e viva dapi 50 onns en Svizra ad Olten cun sia famiglia. El ha studegià istorgia, filosofia ed etnologia e suenter lavurà sco schurnalist per diversas gasettas quotidianas svizras ed era per l'Agenzia telegrafica svizra. Dal 1994 ha el publitgà ses emprim volum da raquints, suandà da plirs cudeschs cun istorgias curtas, romans e reportaschas istoricas. Ses roman Léon und Louise è cumpari l'entschatta dal 2011.

Als Dis da litteratura a Domat prelegia e discorra Alex Capus davart ses roman Léon und Louise. L'arranschament ha lieu venderdi saira, ils 4 da november 2011 a las 20.45 a Domat en la halla Tircal.

**Il program detaglià dals Dis da litteratura sa chatta sin l'adressa:**

**[www.litteraturarumantscha.ch](http://www.litteraturarumantscha.ch)**